



Uunga: Amalie Jessen
Aalisarnermut, Piniarnermut, Nunalerinermullu Naalakkersuisoqarfik

J.nr. 40.00.02.47/15

Ulloq 16. februar 2015

Pineqartoq: § 37-imi apeqqummut Tunup imartaani qilalukkanut qaqortanut qilalukkanulu qernertanut tunngasumi akissummut ilassut

§ 37-imi apeqqummut 16. februar 2015-imeersumut, Tunumi qilalukkanut qaqortanut qernertanulu tunngasumi ilassuteqartoqarnissaanik Naalakkersuisoqarfik piumasaqarsimavoq. Apeqqummi immikkoortut marluk kisiisa isummerfigissavagut: Sumiiffiit Tasiilap Ittoqqortoormiillu immikkut siunnersuusiorfigineqarsimanerat pillugu tunngavilersuut aammalu Tunumi qilalukkat qernertat pillugit nutaamik siunnersuusiornissamik pilersaarutit.

Apeqqummi pineqarput Tunumi qilalukkat qaqortat qernertallu, uagulli akissutitsinni qilalukkat qernertat kisimik pineqarput, Tunumi ima amerlatigisunik allaat piniarneqarsinnaasunik qilalukkanik qaqortaqaanginnera pissutigalugu.

Ittoqqortoormiitut Tasiilamullu siunnersuinerit: Scoresby Sundimi qaammataasanut nassit-sissutit atorlugit qilalukkanik qertanik misissuinermi paasineqarpoq qilalukkat qernertat taakkua sumiiffimmi tassaniiginnartartuusut kujammullu Tasiilamut nikittanngitsut. Taamatullu aamma qilalukkat qernertat Tasiilap eqqaaniittartut Scoresby Sundip tungaannut avannarpartertarnerinik malunnartoqaangilaq. Sumiiffinni marlunni taakkunani biologit ilisimatuussutsikkut siunnersuinerat taamaallaat 2008-imi aasakkut kangerlunni taakkunani qilalukkanik qernertanik amerlassusiliisimanernik tunngaveqarput. Scoresby Sundimiittartut Tasiilap eqqaaniittartunit amerlanerupput, taamaattumillu piujuartitsinissamik tunngaveqarluni siunnersuinermi Ittoqqoortoormiitut pisassiisutigineqarsinnaasutut innersuussutit Tasiilamut innersuussutiniit amerlanerupput.

Ilisimatusaatigalugu misissuinissanik siunnersuinissamullu piffissami aggersumi pilersaarutit: Tunumi qilalukkat qernertat Danmarkimi Miljøstyrelsep aningaasanik tapiineratigut 2008-mi kisinneqarput, Pinngortitaleriffillu avataaniit annertuumik aningaasaliisoqarneratigut sumiiffimmilu piniartut ikiuunnerisigut ukiut tamaasa Scoresby Sund-imi qilalukkanut tunngatillugu assigiinngitsunik misissuisarpoq, misissuinerillu tamakku aamma 2015-imi ingerlateqqineqassapput. Tamakkulu saniatigut aamma ukiut tallimat tulliuttut ingerlanerini Tunumi qilalukkanik qernertanik kisitsisoqaqqittariaqalerumaarpoq, taamaaliornissarli akisusussavoq. Pinngortitaleriffik 2015-imi taamaaliornissaminut akissaqaangilaq, arfermik angisuunik kisitsinissamik pilersaaruteqarneq pequtaalluni. Tunumi qilalukkat qernertat pillugit nutaamik siunnersuisoqaangilaq. Qilalukkat qernertat pillugit siunnersuuteqarnissami sumiif-

fimmi nutaamik kisitsisoqqaarnissaa utaqqineqarpoq. Qilalukat qernertat pillugit ilisima-
tuussutsikkut siunnersuinerit NAMMCO-mi JCNB-imilu suleqatigiissitanit ataatsimut suliari-
neqartarput. Tullianik marts 2015-imi ataatsimiittoqassaaq, Tunumulli tunngatilugu siunnersu-
inerit allangortinneqarnissaat ilamaginngilarput.